

Thoma, Ludwig: Sunnawend (1894)

- 1 Sunnawend! Sunnawend!
- 2 's heilige Feuer brennt!
- 3 Bäu'rin, dein' Herd lösch aus!
- 4 Dös bringt a Glück ins Haus,
- 5 Wann drin vom Sunnawend
- 6 Heut a neu's Scheitl brennt.
- 7 G'rat'n tuat's überall,
- 8 G'sundheit hast aa'r im Stall,
- 9 Feit dir, und dös is wahr,
- 10 Nix mehr dös ganze Jahr.
- 11 Deandl, du bist so jung!
- 12 Trau dir mit mir an Sprung!
- 13 Hast mi a wengl gern,
- 14 Werd's dir net z'müahsam wer'n.
- 15 Feuer am Sunnawend!
- 16 Aba no hoaßa brennt
- 17 's jung sei. Und bei der Nacht
- 18 Hat sie mir d' Tür aufg'macht.

(Textopus: Sunnawend. Abgerufen am 23.01.2026 von <https://www.textopus.de/poems/49591>)